

Mbanjbyalai: Ingbaengh Lajmbanj Lij-youz Caux Roen Vutgungz Baenzfouq

依托乡村旅游开创脱贫致富路的群山屯

□ Veih Li

Song henz roen haeuj mbanj go' ngaeux heuswdsd.

Gizneix bya heu raemx saw, rin daengj gamj laeg, dieg ndei vunz gvai, miz aen ransaw siengzhuz yuzgyah, miz aen Miuhsienmbwn daugyau, lij miz aen Bauwnhsw fuzgyau, comz yuzgyau, daugyau, fuzgyau youq giz ndeu, caeuqcomz cix mbouj doxdoengz; goengq Byasonggaeq riuzmingz doh biengz. Gizneix couh dwg Mbanjbyalai Yauzsanh Cunh Cinzdangz Gih Gveigangj Si.

Mbanjbyalai dwg aen Mbanj-cuengh conzdungj youq diegbya aeu Byasonggaeq guh cungsim ndeu, dieg youq baihsaebaek Cinzdangz Cin, liz hawsingz Cinzdangz miz 4 goengleix gyae, daengx mbanj miz 1000 vunz, hongsaeh aeu ndaem ngaeux, haexnaz caeuq guh lijyouz guhcawj, moix vunz bi cinghsouhaeuj 8800 maenz doxhwnj. Aenmbanj seiqhenz goengqbya hopheux, ing bya dep raemx, gingjsaek gyaunde, miz goengq bya dandog daemqdet mbouj yienhda geijlai, gaxgonq laj dinbya miz song ndaek rin yiengh lumj duz gaeqboux ngiengx gyauej haen' oeko haenx gvaq cix ndaej heuhguh Byasonggaeq, conghgamj gwnz bya

miz siengqnaengh Guenyaem, mbawdoz Dazmoz saecoij naj coh bangxiengz, gamj "ronghfuz" daengj gingjyawj geizheih, gig miz gij yiengh cienzeiz, dwg aen gingjdenj okmingz Cinzdangz Cin. Daj ciuhgeq daeuj ranghdieg Byasonggaeq couh riuz miz aen gojgaeq sae' mbwn Cungh Gveiz gaeb duzfanz gyaep duzgvaig, daihlaeng couh heuh conghgamj gwnz bya guh Gamjbouxien, caemhcaiq laeb mih baiqcaeq, heuhguh Miuhsienmbwn. Aen Miuhsienmbwn seizneix dwg seiz Ciuhcingh guh-baenz lwce, daengz seizneix gaeng ndaej song bak lai bi. Seiqlenz Byasonggaeq miz Dahfuklungz, Dahloeglingz, Dahsuhcin, Mienglwgaiz seiqlenz diuz dah, baenz bi seiqlenz raemx saw laeratrat, doenghgo maj mwncup.

Mbanjbyailai ranzcaep dwg ciennaex gang vax lai, miz gij daegdiemj "ganranz diegbingz", yinzvwnz gingjgvanh daiq miz daegdiemj ranghdah Dahsihgyangh Guengjsae, caiqliz dieg youq ranghdieg Vahgun Vahcuengh dox-giethab de, habngamj laebbaenz aen lijyouz funghgingj mingzswnggih

aeu "funsgug fungcingz Bouxcuengh baijyienj + vwnzva Bouxcuengh swncienj + diegmbaeq + daegsaek nungzyez lijyouz yawjgingj + fuzgyau vwnzva yenzgiu cungsim" daengj lai cungj yenzsu gyoebbaenz ndaej yienh' ok daegsaek funsgug ndaw-biengz Bouxcuengh Dahsihgyangh neix. Bi 2016 ndaej lied guh buek daihngaih "aenmbanj daegsaek minzcuz vunznioix Cungguk".

Seizneix, Mbanjbyalai cingq haenqrengz cauxguh aen suen hong-saeh lijyouz ciengxndang youqndwi minzcuz vunznioix comz miz lai cungj yenzsu vwnzva Bouxcuengh ndeu, caj guhbaenz le, ndawde ranzyouq daegsaek aeu ciemq gij ranz ndaw mbanj 95% doxhwnj, vunzmbanj youq ndaw mbanj, ndaej baenz aen mbanj okmingz miz daegsaek minzcuz vunznioix Guengjsae souhaeuj dingz lai dwg baengh yiengh mbanj gyaunde yinxvunz caeuq guhhong gvaq saedcej cungj daiq miz funsgug fungcingz Bouxcuengh daengj hongsaeh lijyouz ndaej daeuj ndeu, daiqdoengh Cinzdangz Gih gak hangh hongsaeh minzcuz cangq-vuengh hwnghat.



▲ Miuhsienmbwn laj Byasong-gaeq caemh nauhyied.



▲ Angq eu hot fwen coux hek daenez.



► Lwngyez daenj Buhgun hag hengzlaex.



▲ Ranzgaeuq miz daegsaek lai.



▲ Vunzmbanj doxhwnz bau aendomq roengz loz mbaenj fuk.



▲ Cenj laeujhaeux van ndeu gingq bouxhek.



▲ Ranzlaeuz moq aen lienj aen baizlele.



▲ Doengh va' mbu henz mbanj ndeiawj raeuh.